

# Aprantisaj Bonè

## Vizit 6 Mwa




### Langaj

Tibebe w la atantif anpil lè wap pale. Èske w te remake sa? Ou pral petèt kòmanse tande son deplizanpli paske ti pitit ou a aprann apati tout sa w di. Ou ka tande, "Da, da, da." Repete son yo fè yo, apres a devlope yo. Di, "Pa, pa, Papa! Ou wè Papa?" Nou rele komunikasyon sa a "pran epi bay anretou." Li ede tibebe aprann nouvo mo.



### Syans ak Matematik

Konte pandan woutin chak jou yo. Chante mizik yo epi pataje kontin ki gen nimewo sekans ladan yo, tankou *Five Little Monkeys* oswa *1, 2, Buckle My Shoe*. Konte dwèt ak zòtèy tibebe w la lè wap chanje daypè sou li. De se youn nan premye chif tibebe idantifye, de zye, de men, de pye. Konte oframezi wap jwe.



### Jesyon Santiman yo

Nan laj sa a, tibebe w la gen kèk lòt fason anplis pou li kalme tèt li menm si li toujou bezwen èd ou majorite tan an. Lè tibebe w la kriye nan bèso a, tann youn oswa de minit pou l kalme tèt li. Pale avèk li anvan ou pran l. Di, "Mwen tande w, map vini!" Chèche konnen kisa l bezwen: yon ti dodine nan bra w, chante oswa yon sison. Lè w eseye diferan estrateji, li anseye w nouvo fason pou kalme l. Swen w yo montre ke w fyab epi li ede tibebe a santi l an sekirite ak pwoteje.



### Bon liv pou li lè yo nan laj sa a:

- *Silly Sally* ke Audrey Wood ekri
- *Five Little Monkeys Jumping on the Bed* ke Eileen Christelow ekri
- *Baby Be Kind* ke Jane Cowen-Fletcher ekri
- *Ten, Nine, Eight* ke Molly Bang ekri

## Rezoud Pwoblèm

Kounya, tibebe w la ka petèt chanje bò oswa li kòmanse chita. Ba li yon espas ki san danje pou li bouje. Si li abitye woule sou bò dwat, kore l avèk yon zòrye pou li ka aprann woule sou bò goch la. Ou ka motive yon tibebe tou pou li woule lè w kenbe yon tchatcha oswa yon jwèt sou yon bò pou atire atansyon l. Si li chita, mete l sou yon sifas ki san danje pou sizoka li tonbe. Lè tibebe w la tonbe sa ede l konprann kijan pou li gen yon pi bon ekilib ak pou li rete kanpe.



## Kapasite Fizik

Tibebe ki nan laj sa yo aprann kowòdone bra yo ak janm yo. Gen kèk ki kòmanse ranpe oswa rale epi gen lòt ki kontinye ap eseye. Detire janm tibebe a epi eseye fè mouvman "bisiklèt tibebe" a. Mete tibebe w la kouche sou do sou yon sifas ki fèm, epi tou dousman rale pye l desann epi monte l rive sou vant li ak jis nan manton l, kòmsi li tap pedale yon bisiklèt. Lap renmen sa epi sa ap ogmante fleksibilite l.



## Atizay ak Mizik

Kreye yon lis mizik pou tibebe w la nan woutin yo.

Chante menm mizik la pou li ale dòmi, lè wap chanje daypè, lè lap benyen, elatriye. Lè w chante mizik la, melodi a ap ede l fè tranzisyon an pi fasil jiska pwochen aktivite a. Ou ka menm envante pwòp chante pa w.

